


163
THESES PHILOSOPHICÆ
EX LIBRIS DE COELO, ET MUNDO,
Quas sub Auspiciis 29.10
EMINENTISS. AC REVERENDISS. PRINCIPIS
CORNELII
BENTIVOLI DE ARAGONIA
S. R. E. CARDIN. AMPLISSIMI,

Sedisque Apostolicæ
IN ÆMILIA, ET EXARCHATU RAVENNÆ
A LATERE LEGATI

Publicis exhibet Disputationibus
EQUES BARTHOLOMÆUS COMPARINI

In Florent. Sch. Piar. Coll. Philos. Auditor.




FLORENTIÆ. MDCCXXV.

EMINENTISS. PRINCEPS.

M Aximas Tibi, Emin. Princeps, virtutique, ac sapientiæ tuæ debere gratias me sentio, publicèque profiteor, quòd tenuem hanc studiorum meorum partem ex amplissimo, quod meritò consecutus es, honoris, & gloriæ fastigio in perenne obsequii, cultusque mei argumentum exceperis, ac pro eà, quæ literarum causam, optimasque disciplinas complecti soles, humanitate perfeceris, ut in tanto bonarum artium splendore, quibus hæc florentissima Civitas illustratur, tuo inscripta nomini alacrius prodiret, summoque dignitatis tuæ lumine, ac præsidio frueretur. Quid enim illustrius mihi, studiisque meis honorificentius accidere unquam poterat, quàm, ut ea tanto Principi probarentur, qui in omni literarum genere quam qui maximè commendatus, communes omnium plausus, eruditorum amorem, orbis denique universi admirationem sibi mirificè conciliavit? Adbuc in omnium animis, atque in ore versantur præclara ingenii, eruditionis, scientiæque tuæ argumenta, quibus maxima de Te ab ipso ætatis, studiorumque exordio sperare jussisti: neque interitum verebuntur egregiæ virtutis significationes, quibus celebrior Academiæ nomine primum tuo, elaboratisque lucubrationibus de-

corasti, ac beneficentiâ deinde, & amore propemodum singulari in sinum tuum recepisti. Atque hac quidem viâ ad gloriam properabas, aditumque ad eam sapientiæ, ac virtutum omnium laudem aperiebas, quam publicâ Italiae totius voce, communi Galliæ, atque exterarum Gentium consensu, Romæ ipsius iudicio gravissimo adeptus es immortalē. Egregias sanè animi tui dotes, æquitatem inprimis, in rebus gerendis prudentiam, singularem in supplices facilitatem, effusam in omnes clementiam, ac regiam propemodum munificentiam, cujus Reges ipsi hospitio excepti præcones extiterunt, illæ cumulatissimè Provincia testatæ sunt, quibus regendis Pater magis quàm Præses obtigisti, dum mirâ Senatus, populique consensione Te in Patronum, æterno Statuæ, Titulique monumento, atque in Patrem suum adsciverunt. Quo certè id a Te factum esse miramur, quod fieri non posse videbatur, ut planè regiæ Familiæ tuæ, ac celeberrimis Viris Majoribus tuis novus per Te, immensusque laudis, & gloriæ splendor accederet. Sed quorsum ego ista commemoro nulli ignota, omnibus verò mirificè commendata? Nempe ut singuli intelligant, Emin. Princeps, quàm verè, quantoque jure sibi plaudeat Philosophia nostra, quòd Te auspiciem, ac Patronum excelsò tuo munere sit consequuta, ut inde extet apud me tanti beneficii, cui nullum unquam vel maximum comparavero, in omne tempus jucundissima recordatio. Hanc itaque voluntatem, æternumque animi Tibi devinctissimi pignus equi, bonique consulas, cùm is ego non sim, qui audeam mihi aliquid polliceri, quo possim merita in me tua illustriùs aliquando declarare. Vale, Princeps Eminentissime; Teque Deus Opt. Max. literis, Italiæ, Religioni diutissimè incolumem servet.



I.



ÆTERAS inter Philosophiæ partes principem
ferè Sapientum omnium iudicio ea locum ob-
tinet, quæ *omne hoc, cui Cali, Mundique nomen*
indidimus ^(a), universam nempe rerum naturam
contemplatur: Neque ullam ipsà antiquio-
rem credi par est, cum, antequam a Græcis
illustre nomen, atque incrementum acciperet,
apud exterarum quoque Gentes, Ægyptios,
& Judæos potissimum floruerit ^(b); neque ul-
lam, quæ magis homines deceat, aut meliori
quodam jure accuratioribus eorum studiis hætenus feliciter exculta
fuerit: *Sunt enim è terrâ homines, non ut incolæ, sed quasi spectatores supe-*
rarum rerum, atque celestium ^(c), licet altioris naturæ, quàm ut Anaxago-
ræ ^(d), atque Chrysippo ^(e) Mundi inspicendi causâ geniti viderentur.

II.

Cum autem sapere, idest Veritatem querere, omnibus sit innatum, sapien-
tiam sibi adimunt, qui sine ullo iudicio inventa majorum probant, & ab aliis
pecudum more ducuntur, nec putant fieri posse, ut aut ipsi plus sapiant, quia mi-
nores vocantur, aut illi despuerint, quia majores nominantur ^(f). Nihilne tot
seculis, summis ingeniis, maximis studiis explicatum putamus? ^(g) Pleraque
certè rerum vetustarum minùs absoluta sunt recentioribus ^(h), recentissima verò
quæque sunt correctæ, & emendatæ maximè ⁽ⁱ⁾. Defendat quidem quod quisque
sentit, sunt enim iudicia libera ^(j) (cum inter nùllos magis, quàm inter Philo-
sophos esse debeat æqua libertas ^(k)) nos institutum tenebimus, nullisque unius di-

A

sci-

(a) Pomp. Mela lib. 1. Geogr. c. 1. (b) ex Plat. in Cratyl. Epinom. Conv. Timæo &c. & Aristot. 1. Meta. c. 1. &c. (c) Cicero de Nat. 2. (d) Laert. 2. (e) Laërt. Instit. 2. c. 8. (f) Cic. Acad. iv. (g) Arist. 2. Polit. c. 8. al. 10. (h) Cic. Acad. 1. (i) Cic. Tuscul. iv. (j) Seneca Nat. Qua. iv. c. 3.

disciplinæ legibus adstricti, quibus in Philosophiâ necessariò pareamus, quid sit in quaque re maximè probabile semper requiremus (a): Non etenim interpretum fungimur munere, sed tuemur ea, quæ dicta sunt ab iis, quos probamus, eisque nostrum iudicium, nostrumque scribendi ordinem adjungimus (b).

III.

Hanc itaque, ut rem altiùs exordiamur, admirabilem *universorum complexionem, quam primus Pythagoras, ob elegantem partium digestionem, Mundum vocavit (c)*, neque immensam, aut multiplicem fore contra Epicurum (d), atque Cartesium (e) ostendimus; neque æternam, aut incrementam haberi posse contra Platonem (f), atque Aristotelem (g) a sacris literis (h) edocemur. In definiendis autem temporibus ab Orbe condito accuratiorem Usserii (i) calculum amplectimur, quem a compluribus (j) illustratum accepimus. Quo verò temporis spatio, quo rerum ordine cuncta Creator Deus in hanc elegantiorē formam digesserit; quæ fuerint Veterum (m), Kepleri (n), Cartesii (o) hypothesēs, atque alia sexcenta id genus inquirere, nisi fortasse veriùs ab instituti nostri ratione alienum, alterius certè loci videretur.

IV.

Celeberrimam verò, atque a sacris literis (p) commendatam Mundi divisionem sequutis pulcherrima primùm, ac longè jucundissima illius pars oculis nostris obicitur, quam Cælum dicimus, spatium nempe illud, in quo admirabiles, variosque siderum motus constanti lege conspiciuntur: Quam tamen motus constantiam ex crystallinâ Cælorum soliditate oriri haud satis feliciter plerique Veteres existimarunt; Quid enim aliud solares maculæ, Mercurii, ac Veneris orbitæ circa Solem, Cometæ liberè Cælum tranantes, Planetæ singuli in ellipsis, & circa proprium axem rotati, quid aspera Planetarum omnium superficies, Lunarium montium altitudo, quid ipsa denique Scripturarum testimonia (q), quibus illos præclare abuti cum D. Augustino (r) indoluimus, ipsis vel oculis subiiciunt, quàm tenuem, ac fluidam Cæli substantiam existere?

V.

Ejusmodi certè cœlestis substantiæ tenuitatem celeberrima Recentiorum experimenta accuratissimè confirmarunt: Si enim aëris densitas in eà ratione minuat, quàm Logistica Figuræ partes, cum spacia, in quæ comprimitur aër sint ponderibus comprimētibz reciproce proportionalia, ut Stancharius (s), Neutonus (t), Mariotte (u), alii-
que

(a) Cic. Tusc. iv. (b) Cic. de Fin. 1. (c) Plutar. de Plac. Phil. 2. c. 1. (d) in Epist. ad Herod. (e) 3. par. Princip. num. 53. (f) in Timæo; vide & Ficin. Compend. Tim. c. 13. (g) viii. Phys. tex. 4. & 1. de Caelo c. 12. (h) Gen. 1. v. 1. (i) Annal. Vet. & novi Test. (j) Pagius in Appar. Chron. ad Ann. Baron. & Huetius in hist. univers. &c. (m) Vide Plut. Plac. 2. c. 6. (n) Epitom. Astron. lib. iv. (o) iii. par. Princip. n. 46. (p) Gen. 1. ver. 1. (q) Job. 37. v. 18. & Isai. 51. vers. 6. (r) de Gen. ad lit. lib. 1. c. 18. (s) in epist. ad Scheuchzerum (t) Princ. Philos. lib. iii. prop. 41. ex coroll. prop. 22. lib. 2. (u) in in Hist. Acad. Paris. an. 1699.

quæ complures ^(a) existimarunt, gravitatis autem vires sint inversè ut distantiarum quadrata ^(b), fiet profecto aërem nostrum unciam unam latum, qui terrestri semidiametro Telluris ipsius superficiei altior foret, rariorem adeo futurum, ut omnibus Planetarum regionibus longè, latèque implendis par esse posset. Quis autem ad 10000. ejusmodi semidiametrorum distantiam ^(c) ætheris, in quo sidera moventur, tenuitatem complecti valeat? ^(d)

VI.

Quæ verò Siderum, quæ Planetarum substantia, quæ mira in ipsis partium varietas, ac dispositio adhuc nobis in Naturæ majestate abdita videri poterunt. Veteres ^(e) certè, Recentioresque Philosophos, Cartesium in primis, atque Gassendum eà, quà decet, honoris, gratique animi significatione complectimur, pleraque tamen in ipsis optari posse arbitramur: *latent ista nimirum crassis occultata, & circumfusa tenebris, ut nulla acies humani ingenii tanta sit, quæ penetrare in Cælum possit* ^(f); neque *illo in genere venia justior est, si modò minimè mirum, hominem genitum non omnia novisse* ^(g).

VII.

Solares tamen maculæ, quas ab *incomparabili Viro*, ^(h) *virtutisque æternum suspiciendæ Galilæo Galilæi* ⁽ⁱ⁾ deprehensas primùm agnovimus ^(j), argumento esse poterunt; Solem irrequietà, perennique flammà ardere; neque immeritò proinde fumosum, atque ignitum mare Kircherio ^(m), & Maignano ⁽ⁿ⁾, succensam fornacem Gassendo ^(o), corpus suis in partibus auri ferventis instar agitatam Simoni Mario ^(p) videri potuisse; quemadmodum ignitum lapidem Anaxagoras ^(q), Democritus ^(r), Metrodorus ^(s), ingentem ignis substantiam Empedocles ^(t), Stoici ^(u), Xenophanes existimaverant.

VIII.

Ex ejusmodi verò motu, quo tenuissimæ solaris substantiæ partes vel assiduè a centro recedunt, vel alternà quadam itus, reditusque vicissitudine subtilem ætheris substantiam interiectis ictibus comprimunt, arcanà luminis naturam oriri posse meritò suspicari quis poterit ^(v). Hinc probabilius videtur *non esse innatos corporibus colores, sed juxta quasdam luminis dispositiones, modificationesque ad visum relatas creari* ^(w), quemadmodum laudabiliter quidem Cartesius ^(x), sed longè felicius post Hugenium ^(y), Neutonum ^(z), atque Mariotte ^(aa) Cl. Malebranche ^(ab) nuperimè exposuit.

A 2

Cæ-

(a) David Greg. Astr. libr. 5. prop. 3. & Transact. Phil. ann. 1671. &c. (b) ex Neut. libr. 3. prop. 41. (c) vide Gravesc. libr. 4. c. 1. & Hugen. in Syst. Sat. & Cassin. in Hist. Acad. ann. 1717. &c. (d) vid. Kepl. Epist. Astr. libr. 4. (e) vide Plut. Plac. libr. 2. c. 13. (f) Cic. Acad. 4. (g) Plin. præf. libr. 3. (h) Gassend. in epist. ad Galil. (i) Idem in al. epist. (j) ex epist. ad Marc. Velfer. & dial. de Syst. & Schein. in Apelle, & Rosà Urs. (m) apud Gner. in 2. part. Phys. quæst. 2. art. 2. §. 4. (n) in Syntagm. Phil. Epic. part. 2. sect. 4. c. 1. (o) ex Plut. Plac. libr. 2. c. 8. & Tatian. or. contr. Græc. (p) Plut. loc. cit. (q) vide Cart. 3. par. num. 64. (r) Epic. apud Plut. adv. Colot. (s) in dioptr. c. 1. num. 4. (t) Traß. de nat. lum. (u) in Opt. lib. 1. par. 2. prop. 7. (x) Traß. de nat. color. [y] in Hist. Acad. 1699.

IX.

Cœlestis igitur luminis fons, ut Heraclitus [a] putaverat, Sol esse debet; neque aliâ profecto luce Planetas singulos fulgere putandum est, quàm radiis solaribus, quos ad rarioris, densiorisve substantiæ, ad asperæ, aut lævis superficiæ leges ad nos regerunt. Sidera tamen fixa, quæ a terris, inæqualiter licet, immenso tamen intervallo sunt diffusa, proprio gaudere lumine arbitramur [b], quippe quæ, si alterius Vorticis, Mundique Soles cum Pythagora [c], atque Cartesio [d] credi non possint, ad Solis certè naturam quammaximè accedunt.

X.

Hinc Siderum, Solisque radii, qui rectà in terram feruntur, vel reflectuntur a Planetis *omnium pulchritudinum, quibus corpora insignita conspiciamus, formosissimam* [e], lucem nempe constituunt, quæ non in instanti, ut Aristoteles [f], atque Cartesius [g] existimaverant, sed successivè per ætheris substantiam diffunditur, quod ab Hugenio [h], aliisque compluribus [i] accuratissimè compertum est.

XI.

Et quia uberiores reflecti lucem a corpore accepimus [j], ubi inæqualis, & aspera sit illius superficies, necessariò fit, ut Planetarum partes elatiores aliæ ad montium instar, aliæ depressiores convallibus similes haberi debeant. Cavitates autem ejusmodi aliâ fortasse substantiâ repleri videntur, atque aliâ Planetarum corpora ambiri, quàm cœlesti materiâ, adeoque circumfusam Planetis omnibus atmosphæram, ubi fortasse Lunam exceperis, verisimiliter putari potest: neque enim aliud siderum eclipses Cassino [m] præfertim, de-la Hire [n], & Fevillæo [o] observati præferunt.

XII.

Planetas verò singulos, eorumque Satellites certâ quadam periodo circa proprium axem torqueri partim accuratissimis observationibus, partim verisimili conjecturâ compertum est [p]; Neque tamen hinc fieri existimaveris, ut omnes habeant sphæroidis circa polos compressæ formam, quod in Marte, & Jove Cassinus [q] deprehendit. Eadem quoque ratio de fixis sideribus, quibus eundem inesse motum satis feliciter ostendi potest: hinc etenim potius, quàm ex annuo Telluris motu polaris stellæ parallaxim Flamstedio [r] observatam, & variam siderum lucem oriri posse, Cassinus [s] ipse arbitratur.

Cæ-

[a] apud Laert. lib. 9. [b] vide Cart. 3. part. num. 9. & Plut. Plac. lib. 2. c. 28. & du-Hamel. Astr. Phys. lib. 2. &c. [c] apud Plut. lib. 11. c. 13. [d] 3. part. n. 46. [e] Leo Hebr. dial. 3. de Amor. [f] de Ani. lib. 2. tex. 70. [g] in diopt. c. 1. n. 3. [h] Traß. de nat. lum. [i] Neut. lib. 1. lib. 2. sect. 11. c. 4. & lib. 2. prop. 50. & Roemer, Picart, Cassin. Flamsted. apud Pourc. & du-Hamel lib. 5. sect. 3. c. 2. &c. [j] Galil. in dial. de Syst. [m] apud du-Hamel. Hist. lib. 1. sect. 9. c. 2. & lib. 2. sect. 6. c. 1. & in Astr. Phys. lib. 2. c. 4. &c. [n] in Hist. ann. 1700. 1701. 1720. &c. [o] vide Hist. 1699. &c. [p] vide Graves lib. 4. c. 1. & du-Hamel. Hist. lib. 1. sect. 8. c. 1. & lib. 2. sect. 11. c. 4. & lib. 2. sect. 6. c. 1. & Astron. Phys. lib. 2. c. 1. & 2. & Hist. 1699. [q] ex du-Hamel. Hist. lib. 3. & sect. 8. c. 3. & Grav. lib. 4. c. 3. [r] in epist. ad Vallis. & in Hist. Acad. 1699. & Greg. lib. 3. prop. 55. &c. [s] in Hist. Acad. loc. cit. &c.

XIII.

Cæterum an circa Solem Planetæ, rursusque circa Planetas Satellites ita moveantur, ut quadrata temporum periodicorum eam inter se rationem habeant, quam distantiarum cubi, quod olim primus Sol ille *literatorum Keplerus* [a] animadverterat [b], atque alterum Philosophiæ lumen Newtonus [c] nuperrimè illustravit, res videtur, quemadmodum hætenus elegantissimè proposita, ita accuratius in posterum confirmanda.

XIV.

Illud interim credi par est, quod a Cl. VV. Keplero [d], Vardo [e], Bullialdo [f], Newtono [g], Comite Pagano [h], (Cassinus [i] enim peculiarrem Curvâ excogitavit) aliisque compluribus [j] est observatum, Planetas, atque Satellites non circulos, verùm ellipses motibus suis circa centrum in altero umbilico positum ita describere, ut spatia elliptica temporibus proportionalia sint. Qui verò fieri possit, ut motus ejusmodi constanter adeo perficiant, nisi celeberrimis Gravitationum, atque Attractionum legibus cum Newtono [m] explicari, ingeniosâ certè Kepleri [n], Cartesii [o], Fabry [p], Leibnitii [q] hypothesi, quam tamen universam minimè amplectimur, illustrari commodè poterit.

XV.

Eà verò de causâ Copernicanam hypothesim cæteris præstare arbitrantur, quòd, licèt sacris literis contraria, adeoque falsa concedatur (*neque enim Astrologorum suppositiones necessarium est esse veras* [r]) optimè tamen Naturæ legibus, ordini siderum, ipsorumque motibus respondeat. Altera verò quam *memoriâ totius ævi dignissimus Ticho Braheus* [s] invenit, laudabiliter nunc a plerisque defenditur: Ptolemaicum quippe Systema iis dumtaxat probari posse videtur, qui certis quibusdam, destinatisque sententiis addicti, & consecrati eà sunt necessitate constricti, ut etiam quæ non probare soleant, ea cogantur constantiâ causâ defendere [t].

XVI.

Fortasse autem præstare, atque adeo oportere videtur, Veritatis tuendæ causâ vel nostra decreta evertere, cum etiam nos Philosophi simus [u]; Philosophi autem sit Sapientiæ amore capi, sapientesque Viros imprimis suspicere [v]. Hinc utraque nobis Veterum, Recentiorumque placita cum chara sint, sum antiquiorem ipsis habere Veritatem pium esse duximus [w]. Quos igitur Aristoteles [y], cæterique Philosophi, quibus Aristotelis doctrina est summa Veritas [z], incorruptibiles Cælos existimarunt, non adeo corruptionis exper-

tes

[a] Gassen. in epist. ad Schikard. [b] in Epist. Astron. lib. 4. [c] lib. 3. phanom. 4. & Gravesc. lib. 4. c. 1. & Gregor. lib. 1. prop. 21. &c. [d] Comment. de Sol. Mart. [e] Astron. Geom. lib. 1. [f] Astron. Philolaic. [g] lib. 3. prop. 13. [h] in Theor. Planet. [i] Tract. de Orig. Astron. [j] vide Greg. libr. 1. prop. 34. & 36. [m] lib. 3. prop. 2. & apud Greg. lib. 1. Sect. 9. [n] Epist. Astron. lib. 4. [o] 3. par. num. 140. [p] apud du-Ham. Astr. Phys. lib. 2. c. 3. [q] Tentam. de Caus. mot. Cælest. [r] D. Tbom. de Cælo lib. 2. lect. 17. [s] Gassen. in epist. ad Guill. Cef. [t] Cic. Tuscul. 2. [u] Arist. Eth. lib. 1. c. 4. al. 6. [v] Plut. de Fort. Alex. 1. [w] de Cælo lib. 1. tex. 20. &c. [z] Averr. in destrull.

res esse defendimus, ut variis in partibus subinde immutari, atque corrumpi non possint: hoc etenim Solis, aliorumque Planetarum maculæ^(a), hoc mutata siderum facies^(b), hoc ipsa denique Cæli substantia testatur.

XVII.

Quin & plerique in ejus rei argumentum nova Sidera oriri, atque interire commemorant, ex cœlestibus exhalationibus illa fieri existimantes, quæ densiores factæ lucem ad nos regerant, vel etiam probabilius accendantur. Nos tamen hæc ferè singula, maximam licet, in Copernicanâ præsertim hypothesi, veri speciem præferant, ex solâ partium diversitate, motuque siderum circa proprium axem verisimilius præstari, atque explicari posse arbitramur. De ipsorum autem motibus, atque periodis, de immensâ a Terris distantia, de incremento luminis, vel decremento, Tichonis, Kepleri, Phocylidis, Bayeri, Hevelii, Flamstedii, Cassini, aliorumque^(c), qui horum Siderum, *Cælique suspiciendi venerabilem curam sortiti sunt*^(d), accuratissimis observationibus erudimur.

XVIII.

Cometæ similiter, quos inter emphaticas, ut ajunt, Impressiones Galilæus^(e) enumerat, ex mutuis verò Planetarum, aliarumque Cæli partium accensis exhalationibus oriri putat Hevelius^(f), quemadmodum ex terrestribus infra Cælum Lunæ collectis Aristoteles^(g), commodius certè cum plerisque Veteribus^(h), atque Cartesio⁽ⁱ⁾ inter cœva Mundo corpora haberi poterunt. Sive igitur Planetæ sint, eorumve Satellites, qui circa Solem ad immensam ferè distantiam rotari cum Bernoullio^(j), atque olim Pythagora^(m); seu verius circa Terram motibus suis circulos, aut ellipses maximè excentricas constanti lege describere cum Cassino⁽ⁿ⁾, aliisque compluribus^(o) videantur, aliorum certè Planetarum instar certâ quadam periodo moveri, atque in orbem redire, defendi poterit.

XIX.

Hinc Trajectorias habent, non rectas, ut Keplerus^(p), Cartesius^(q), Hevelius^(p) existimaverant, verùm potiùs ellipticas, quæ tamen subinde ad parabolicas, vel hyperbolicas etiam accedant. Cæterum *in quibus Cometæ partibus errent, cur tam seducti a cæteris eant, quanti, qualesque sint, cur caudam Soli aversam trahant, cæteraque id genus, in lucem dies extrahet, & longioris ævi diligentia, ad inquisitionem enim tantorum ætas una non sufficit*^(r). Interim tamen Lunâ, ac subinde Sole altiores existere compertum est.

Quid-

(a) vide de la Hire in Hist. 1700. & du Ham. Hist. lib. 3. sect. 8. c. 3. &c. (b) vide du Ham. Hist. lib. 4. sect. 6. c. 8. & Hevel. in Prodro. & Greg. lib. 2. prop. 20. (c) apud Hevel. & Greg. loc. cit. (d) Merc. Trism. in Asclep. (e) in Trutin. (f) in Cometograph. & apud Greg. lib. 5. prop. 2. (g) in Meteor. lib. 1. c. 7. (h) apud Senec. lib. 7. c. 3. Arist. loc. cit. Plut. Plac. lib. 3. c. 2. &c. (i) 3. part. num. 119. (j) in Syll. Comet. (m) ex Arist. Meteor. lib. 1. c. 7. (n) in Hist. Acad. 1699. & Greg. lib. 5. prop. 2. (o) vide Vission. Prælect. Astron. &c. (p) apud Greg. lib. 1. prop. 35. (q) 3. par. n. 120. (r) Sen. lib. 7. c. 25. & 26.

XX.

Quidquid igitur infra Cælum Lunæ fieri, ac deprehendi contigerit, non aliunde oritur, quàm ex terrestribus exhalationibus, quæ Solis virtute, vel ingenito potius Telluris calore ad supremam aëris regionem evectæ proprio vel motu accendantur. Hinc certè fulgura oriuntur, hinc fulmina, hinc ignes, quos in aëre discurrentes, aut fastigia rerum lambentes conspiciamus, hinc denique cætera, quæ, ne longius congerantur, sicuti Gassendus ^(a) optimè exposuit, ita ab omnibus probari posse confidimus.

XXI.

Atque utinam haud infelicius, celeberrimam Veteres ^(b) inter, Recentioresque Philosophos de Iridis naturâ quæstionem hactenus cuiuspiam dirimere licuisset! Rem certè Cartesius ^(c) ad severiores Opticæ leges confecisse videri poterat, sed illi Neutonus ^(d) palmam præripuit, quemadmodum id, quod in ejusdem rei argumentum egregiè Mariotte ^(e) excogitaverat accuratam Kaschubii ^(f) censuram declinare non potuit. Singulas itaque de Iridis, Parhelii, Coronæ, aliarumque ejusmodi Impressionum origine sententias meritâ laude, summoque honore complectimur, faciles alteri manus daturi, quæ rem accuratius ab solvat.

XXII.

Ignis certè gravitatem ultrò agnovimus, ubi celeberrima Boyle ^(a), aliorumque ^(b) experimenta perspeximus, quemadmodum ex concavo Lunæ exturbandum ipsæ ferè Naturæ leges jampridem ostendebant. *Quod itaque est sursum, & usque ad Lunam, dicimus esse corpus alterum & ab igne, & ab aëre, quod propter consuetudinem vocamus ignem, non est autem ignis* ^(c). Huic verò, non secus ac cæteris Elementis, ita gravitatem inesse putandum est, ut non solum positivâ, quod ajunt, levitate, quam nullam esse in rerum naturâ cum Borellio ⁽ⁱ⁾ defendimus, omnino careat, verum etiam gravitatis ipsius vires in proprio quoque naturali loco exercent ^(m).

XXIII.

Quid autem Aëris gravitatem probari nobis commemorem? Hanc sanè necessariam adeo, ac notam fore arbitramur, ut nihil ferè oculis subici videatur, quod Aëris gravitatem, atque elasticitatem non præseferat. Huc etenim, non ad inanem Naturæ horrorem, vulgata experimenta, quibus Cl. Viri Vacuum inducere existimarunt, huc mercurii in fistulis suspensio, atque huc præsertim admirabiles Barometri mutationes referri debent. Aëris verò pondus finitum esse, li-

(a) Tom. 2. lib. 2. c. 4. 5. 7. &c. (b) vide Plut. Plac. lib. 3. c. 5. & 6. Sen. lib. 1. c. 4. & 5. & Sturm. Dissert. de Iride &c. (c) dissert. 8. Meteor. (d) in Opt. lib. 1. par. 2. prop. 9. (e) de nat. color. (f) in Elem. Phys. (g) de ponderab. ignis (h) du-Glos apud du-Ham. Hist. lib. 1. c. 1. &c. (i) Arist. Meteor. lib. 2. c. 4. (l) de Motu. natur. c. 4. (m) vide Borel. loc. cit. c. 3.

licet in calculo Bernoullius [a], atque Polenus [b] maximè differant, indubium est, neque tamen hinc certò fieri, finitam quoque Aëris magnitudinem, quod alio ex fonte verisimilius ostendi potest.

XXIV.

Atque hic fortasse locus exigere videretur, ut aliquid de Gravitatis origine, & legibus, quibus augetur, adderemus. Verum, cum *nihil sentire præset, quam prava sentire* [c], & Viri in eà facultate principes [d] rem adhuc pendere satius existimaverint, hanc ætheris pressionem vocare Cartesio [e], & Hugenio [f] per nos liceat, innatam corporibus qualitatem Aristoteli [g], magneticam vim Gassendo [h], cui cæteris fortasse palmam præripere aliquando liceat, ubi clariùs *divina* [i], *solique Deo nota* [j] Magnetis virtus, quàm hactenus Recentiores præstiterint, explicetur. Alterum verò ita a Neutono [m] definitum accepimus, ut Gravitatis vires in eà ratione augeantur, quà reciprocè distantiarum quadrata.

XXV.

Gravitas porrò id etiam muneris habere creditur, ut varios corporum motus producat, atque determinet. Hinc feliciter Projectorum motu describi Parabolas [n], atque, ubi acceleretur, spatiis decursis quadrata temporum respondere [o] juxta celeberrimam Galilæi hypotheseim, quam integram adhuc arbitramur [p], defenditur. Quod si mobile plerumque aut in Hyperbolas vergere, aut ab ejusmodi legibus recedere videatur, tum Aëris resistentia, tum alia quoque in causâ esse poterunt, ut accuratissimè Neutonus [q] ipse deprehenderat.

XXVI.

Sequitur Terra, cui uni rerum Naturæ partium eximia propter merita cognomen indidimus maternæ venerationis [r]. Perperam tamen Pythagoras [s], & cum Platonicis [t] Stoici animatâ esse putarunt, nisi fortè eà regi mente crediderint, quæ *per singulas Mundi partes ubique splendet, & cujus undique nostris oculis obversatur, seque obicit, & inculcat imago* [u]. Est autem, ut apparet, in medio Universi loco, & queniadmodum a sacris literis [x] docemur, immobilis: non quòd aëre fulciatur, ut Anaximenes [y] cum Democrito [v], Anaxagoras [w], & Epicurus [z] putaverant, vel aquæ insidat, ut Thales [aa], vel rapido Cæli motu contineatur, ut Empedocles [ab], verum quòd gravitatis expers ubi jam condita, librata quoque constiterit.

In

[a] in *Centum Position. Philoso.* [b] in *diar. Prudit. ital. Tom. 5. art. 15.* [c] *Cic. Acad. 4.* [d] *Neut. in fine operis Princ. Phil. Roberval in Hist. du-Ham. lib. 1. sect. 6 c. 4. &c.* [e] *4. par. Princ. n. 20.* [f] *Traité de Cause. Gravit. & apud du-Ham. loc. cit.* [g] *de Cælo lib. 4.* [h] [i] *Gal. n. libr. de tber. ad Pis.* [j] *Aphrod. init. Probl.* [m] *lib. 3. prop. 41.* [n] *Galil. de nov. scient. dial. 4.* [o] *Idem dial. 3. prop. 2.* [p] *cum Torricel. de motu Projec. Varignon. apud du-Ham. Hist. libr. 4. sect. 1. c. 5. Irenicæ ibi lib. 1. sect. 6. c. 4. aliisque in Hist. 1699. 1720. &c.* [q] *lib. 2. prop. 10.* [r] *Plin. 2. c. 63.* [s] *apud Cic. 1. Nat.* [t] *Epiph. hæres. 7.* [u] *Trismeg. in Pymon.* [x] *Psal. 10. &c.* [y] *apud Arist. 2. de Cælo tex. 81. & Plut. Plac. 3. c. 15.* [z] *ex Laertio lib. 10.* [aa] *ex Arist. 2. Cæli. tex. 78. & 85.*

XXVII.

In recensendis verò ejusdem partibus mirum quàm differant Veteres, Recentioresque Geographi. Nobis autem Cl. Virum, atque in Geographicis facillè Principem Gerardum Mercatorem sequutis Novus a Veteri distinctus Orbis habebitur, eà tamen lege, ut singulas ferè Veteris, ac Novi Orbis partes, atque ipsam inprimis Americam Veteribus cognitam Platoni ^(a), cæterisque Scriptoribus ^(b) assentiamur. *Esse autem Antipodas, nobisque adversa vestigia premere* ^(c), *totamque circumhabitari Terram* ^(d) longè nobis uberiùs, quàm eruditæ jampridem antiquitati ^(e) compertum esse lætatur.

XXVIII.

Atque eò meliori jure lætari nos decet, quibus & origines fontium Nili, ejusque incrementi causa, quæ Veteres ^(f) occulta sibi, & posteris quoque ætatibus futura putaverant, ex compluribus innotuerint. Terrestris similiter Paradisi locum, quem *ab hominum cognitione remotissimum* fore D. Augustinus ^(g) asseruit, cum Cl. Huetio ^(h) exploratum esse jam novimus; Cætera denique superioribus seculis obscuriora, nisi jampridem a Recentioribus illustrata sint, brevi certè eorum studiis in hanc extrahenda lucem confidimus; *Nihil est enim tam ab humanæ cognitione remotum, atque abstrusum, quod non quærendo investigari possit.* ⁽ⁱ⁾

XXIX.

Si quid autem a Recentioribus instauratum, atque perfectum esse videri potest, in definiendis certè locorum distantis, longitudinibus, cæterisque ad illustrandam Geographiam spectantibus plurimum conficisse arbitramur. Illud tamen præcæteris optandum maximè superest, ut accuratius in posterum acus magneticæ declinatio, primi meridiani circuli locus, & arcana deinde methodus exhibeatur, quâ loci cujuslibet longitudo explorari, ac certò deprehendi possit: quas enim hætenus Viri Cl. ^(j) excogitarunt hypotheses, vitio non prorsus carere ipsi inprimis ingenuè fatentur.

XXX.

Inter illustria verò superioris seculi inventa principem facillè locum obtinet quod de Telluris Figurâ a Regiæ Parisiensis Academiæ Sociis ^(m) accepimus. Quam enim cylindricam Anaximander ⁽ⁿ⁾, seu fortasse veriùs Xenophanes ^(o), planam Epicurus ^(p), atque Anaximenes ⁽ⁿ⁾, turbini, vel fundæ similem Dionysius ^(q), scaphæ Heraclitus ^(r),
B Leu-

(a) in Tim. & Critia (b) Strab. lib. 1. Diod. l. 5. Arist. de Admir. &c. (c) Pythag. apud Laërt. lib. 8. (d) Cleom. 1. Cycl. Theor. c. 7. (e) vide Cic. in somn. & Macr. in somn. 2. c. 5. Gemin. c. 13. Strab. lib. 1. Capel. lib. 6. c. 3. &c. (f) Ammian. lib. 22. &c. (g) de Gen. ad lit. lib. 8. c. 7. (h) Traité de situ Parad. Terrestr. (i) Sophoc. apud Plutar. de Fortuna. (j) ex Hist. du-Ham. pag. 110. & Histor. Fonten. 1700. 1701. & Varen. Geogr. 3. c. 38. (m) Hist. Acad. 1720. (n) ex Plut. Plat. 3. c. 10 (o) ex Arist. Cæl. lib. 2. tex. 78. & Plut. Plac. lib. 3. c. 11. (p) ex Laërt. lib. 10. vide Cleom. 1. & Agathem. lib. 1. (q) Initio Perieg. (r) ex Laërt. lib. 9. sicut Chaldaei apud Diod. lib. 2.

❖ (XIV.) ❖

Leucippus [a] Tympano, disco Democritus [a], nonnulli pyramidi [b], alii pineæ nuci [c]: Parmenides [d] verò, Plato [e], Thales [a], Aristoteles [f], cæterique illustriores Philosophi [g] sphæricam hæcenus existimant, sphæroidem esse compertum est.

XXXI.

Cæterum cum oblongam Cassini [b], circa polos compressam Hugenius [i], atque Neutonus [j] existimaverint, rem definire vel nefas duximus. Interim tamen rem acu tetigisse videtur Mairanus [m], qui facto utrinque opinionum fœdere oblongam statuit, genitam nempe ex Ellipsi, vel certè Evolutà, quæ ad Ellipsim maximè accedat; quo sanè fieret gravitatis vires non eam inter se rationem habere, quam reciproçè distantiarum quadrata, verum potius augeri ut inversè rectangula ex radiis Evolutæ in perpendiculares ad axem.

XXXII.

Hinc quæ vulgò circumferuntur Eratosthenis [n], Arabum [o], Ptolemæi [p], Hipparchi [q], & si quæ fuerint aliæ Veterum, ac Recentiorum dimensiones Telluris, quas eruditè a Snellio [r], & Ricciolio [s] vel emendatas, vel illustratas accepimus, hac etiam de causâ corrigendæ sunt. Axis itaque Terræ hexapedas Parisienses (Gallicæ enim mensuras adscribere liceat, ne accurata numerorum series ad Florentinas redacta fractionum minutis perturbetur) continet [t] 6579368.; diameter ad æquatorem 6510796.: quo fit, ut gradus in æquatore sit hexapedarum 56817., meridiani verò polos versùs 56960; at propè æquatorem 57097; atque, ubi gradus æquales supponantur, eadem ferè mensura redeat, quæ olim a Picarto [r] deprehensa fuerat hexapedarum 57060. Hexapeda porrò Parisiensis est 1440. partium [u] qualium ulna Florentina 405. continet, ut eadem inter ipsas ratio reperiat, quæ 32. ad 9.

XXXIII.

Eadem ferè difficultas, idemque dissidium in definiendâ montium altitudine; quem enim altissimum prodidit Picum in Tenarissâ 48. stadiorum Varenius (v) existimat, Ricciolius (w) autem ferè 64., Caucasum ratus, vel ad quinquagesimum milliare assurgere (x). Perperam tamen Dicæarchus *Regum curâ permensus montes, altissimum prodidit Pelion 1250. passuum* (y), ac veteres geometræ affirmarunt, neque altitudinem montis, neque maris profunditatem decem stadia excedere (z), quod jampridem Xenagoras (z), Cleomedes (a), Strabo (b), aliique ex Veteribus eruditiores (c) animadverterant.

In-

(a) ex Plut. Flac. lib. 3. c. 10. (b) apud Cleom. lib. 1. c. 8. (c) apud Plin. lib. 2. c. 65. (d) ex Laërt. lib. 9 (e) in Phædono (f) Meteor. lib. 2. c. 7. & 2. de Cal. tex. 108. (g) Anaximan. apud Laërt. lib. 2. & Pythag. lib. 8. vide Cleom. Strab. Agat. loc. cit. (h) in Hist. 1713. (i) Traët. de Caus. grav. (j) lib. 4. prop. 19. & 20. (m) in Hist. 1720. (n) apud Cleom. lib. 1. c. ult. (o) apud Ricciol. Geogr. lib. 5. & Snell. Eratosth. Batavo &c. (p) loc. cit. Geogr. (q) ex Mair. Hist. 1720. (r) Traët. de mens. Terræ (s) ex Hist. 1713. &c. (t) Geogr. lib. 1. c. 9. prop. 7. (u) in Geogr. lib. 6. c. 18. num. 11. (x) lib. 6. c. 16. (y) ex Plin. lib. 2. c. 65. (z) Plut. in Vit. Pau. Emil. (a) lib. 1. c. 10. (b) lib. 11. (c) Gemin. Elem. Astron. c. 14. & Plin. lib. 4. c. 10. & Solin. c. 16. &c.

XXXIV.

Indè verò præsertim ingens adeo opinionum discrimen; quod & in singulis ferè astronomicis observationibus reperitur, oriri potest, quòd refractionum leges integrè nondum compertæ sint; Cui quidem malo commodè occurri posse confidimus, ubi quæ Hauksbejus (a), de la Hire, alique complures (b) in ejus rei argumentum excogitarunt, uberiùs illustrentur. Certior tamen investigandæ montium altitudinis ratio videretur, quà ex diversis Barometri depressionibus montium altitudo coniicitur, nisi subinde accuratioribus experimentis haud satis feliciter responderet.

XXXV.

Quid igitur mirum, si Aëris Terræ circumfusi altitudo hætenus inveniri non potuit? Keplerus (c) etenim sexdecim stadiorum illam esse arbitrat, alteram ferè illius altitudinis partem, quæ Tichoni (d) probatur. Diligentiùs tamen D. dela Hire (e) in Observatorio Parisiensi maximam Atmosphæræ, altitudinem comperit ope Barometri 21203. hexapedarum Paris., licèt eadem experimenta 20319. hexapedas Tulonii prodiderint. *Possidonius* autem, ut recentioribus vetera conferantur, non minus 40. stadiorum altitudinem esse ait, in quâ nubila, ac venti, nubesque proveniant. Plures verò nubes nongentis stadiis in altitudinem subire prodiderunt. *Incomperta hæc, & inextricabilia.* (f)

XXXVI.

Altissimum quoque mare quindecim stadiorum Fabianus tradidit (g), triginta Cleomedes (h), viginti plerique ex Recentioribus (i): Cæterum licèt illustriores Geographi (l) maximam triginta duorum stadiorum altitudinem esse prodiderint, circa Taprobanem (m) tamen, Daniam (n) Sveciam (o), Floridam (p), & propè polos immensa maris altitudo hætenus explorari non potuit.

XXXVII.

Illud tamen exploratum optimè accepimus (p), quod olim Plinius (q), Eratosthenes (r), atque Aristoteles (s) existimaverant, maria scilicet inæqualiter a Telluris centro distare, ut in Ligustico, Erithræo, aliisque compluribus est observatum. Altior est tamen Telluris, quàm Océani superficies, ubi nonnulla, ac Frisiæ præsertim, & Belgii littora exceperis.

B 2

Ni-

(a) in *Experim. Phys-Mechan.* pag. 175. (b) vide *Hist.* 1700. & *Trans. Philos.* n. 257. (c) apud Ricciol. *Geogr. lib.* 6. c. 21. (d) apud du-Ha-Astron. *Phys. lib.* 2. c. 6. (e) apud eundem in *Hist. lib.* 4. *sect.* 7. c. 2. (f) *Plin. lib.* 2. c. 23. (g) *Plin. lib.* 2. c. 102. (h) *lib.* 1. c. 10. (i) ex *Cabzo in Meteor. lib.* 1. *sex.* 20. (l) *Varen. lib.* 1. c. 13. *prop.* 6. & *Leo Alber. lib.* 10. c. 7. &c. (m) ex *Plin. lib.* 6. c. 22. & *Solin. c.* 54. &c. (n) ex *Olao lib.* 2. c. 10. (o) *Morisset. Orb. maritim. lib.* 2. c. 45. apud Ricciol. *lib.* 10. c. 1. (p) vide *Varen. lib.* 1. c. 13. *prop.* 5. (q) *lib.* 6. c. 29. (r) ex *Strab. lib.* 1. c. 1. (s) *Met. lib.* 1. c. ult.

XXXVIII.

Nimis autem oculis ille permittit, qui non credit esse in abscondito Terræ sinus maris vassi (a): quod ita formasse artifex Natura credi debet, ut cum Terra arida, & sicca constare per se, ac sine humore non posset, nec rursus lare aqua, nisi sustinente Terrâ, mutuo implexu jungerentur, hac sinus pandente, illa verò permeante totam, venis, ut vinculis, discurrentibus (b).

XXXIX.

Atque hinc fortasse repetenda Fontium origo cum antiquioribus Philosophis (c) videretur. Nivibus tamen solutis, ac pluviarum copiam id probabilius præstari posse nuperrimis experimentis accuratissimè compertum est (d). Nobis hætenus inter utrumque pendere libuit, atque ita, Veterum, Recentiorumque Placita conjungere, ut ex mari nonnullos, in quibus præsertim æstus, falsedo, eadem ferè cum mari a centro Terræ distantia reperitur, cæteros ex pluviis, nullos ex Aëre oriri posse arbitremur.

XL.

Celeberrima verò fontium miracula, quæ fusiùs plerique Veteres (e) atque inter cæteros Plinius (f) commemorat, Recentiores omnes, itque præsertim Varenius (g) satis feliciter explicarunt. Quod certè Aristoteles (b), Empedocles (i), atque Anaxagoras (i) minimè sunt affecti, ubi maris falsedinem vel a Solis ardore, vel sudore Telluris, vel ex aliis ejusmodi causis repetere tentarunt; licèt enim hæc omnia quandam fortasse veri speciem præferant, verisimiliùs tamen cum Theophrasto (n), aliisque Recentioribus (m) credi debet, Mare falselinem ex dissolutis salis fodinis concipere.

XLI.

Ex dulcibus tamen pluviarum, ac fluminum aquis dulcedinem mare non contrahit, quòd, maxima licèt illius pars in vapores solvatur, eadem tamen salis quantitas in mari relinquitur. Hallejus (n) certè experimento comperit, flumina in mare vix alteram aquæ illius partem deferre, quæ in vapores convertitur, adeoque tantum abesse, ut fluviiis receptis Oceanus exundet, ut exhauriri potius aliquando debeat, nisi vaporibus in rorem, & pluviam converfis assiduè reparetur.

XX.

Sed æstus originem, admirabiles Oceani motus, quibus præsertim a polis ingens aquarum vis ad æquatorem impellitur, unde nam ha-

(a) Senec. lib. 6. c. 6. (b) Plin. lib. 2. c. 65. (c) Vide Gass. Tom. 2. lib. 1. & Varen. lib. 1. c. 12. prop. 11. Vovard. hist. natur. Tellur. &c. (d) vide Vallisn. de Font. orig. (e) Plutar. de Fluv. & Vibius Sequester de Flum. &c. (f) lib. 2. c. 103. (g) lib. 1. c. 16. & 17. (h) Mete. lib. 2. c. 3. (i) ex Plur. Plac. lib. 3. c. 16. (l) ex Olympiod. in 2. Meteor. (m) Vide Cardan. de subtil. Gassen. Tom. 2. libr. 1. c. 7. & Boyle de falsed. mar. scilicet. 2. (n) Transact. Philos. num. 189. &c.

haberi posse arbitremur? Nos certè cum Gassendo ^(a) nulli adhuc mortalium id exploratum esse indoluimus. Pulcherrima quidem Neutoni ^(b), ingeniosa Cartesii ^(c), longè verisimilior Galilæi ^(d), certior Gassendi ^(e), elegans Bekmanni ^(f), laudabiles videntur omnes Veterum ^(g), ac Recentiorum hypothesef; cùm tamen plurima in singulis optari possint, singulas laudare, accuratiorem expectare fortasse deceat.

XLIII.

Rem verò alterà ex parte confecisse videntur ^(h) qui maris, ac terræ vicissitudines ex vetustissimis historiarum monumentis altiùs scrutati, mare a compluribus locis recessisse, atque alveum subinde immutasse arbitrantur. Cujus etiam fortasse rei argumentum esse coniiciunt conchylià, pisces, & ostreas, quæ in locis a mari diffitis reperiuntur. Hinc probabilius videri poterit quod a clarissimis Scriptoribus accepimus, sejunctam ab Italià Siciliam ^(b), Eubœam ab Atticà ^(b), Athlantidem denique ⁽ⁱ⁾, quam jure Americam dixeris, ab Europà.

XLIV.

Plerique ^(l) tamen existimant ejusmodi portenta a vehementioribus terræ-motibus pendere: immensam quippe vim illis inesse & montes inter se concurrentes, crepitu magno assultantes recedentesque ^(m), & Urbes duodecim unà nocte subverſe ⁽ⁿ⁾, & maris alvei sæpius turbati ^(o), atque insulæ ex mari erumpentes ^(p) manifestissimè confirmarunt.

XLV.

Hinc terræ-motus neque a Ventis, neque ab alveis præterfluentibus, verùm a subterraneis ignibus originem sortiuntur. Qui verò fieri possit, ut iteratis pulsibus regiones quoque maximè diffitas concutiant, intelligi poterit, ubi subterraneos ignes per terræ viscera serpere quàm major sulphuris, ac bituminis copia reperitur, quod est a compluribus ^(q) observatum, supponamus.

XLVI.

In quo sanè illud in primis mirari nos decet, quòd, licèt ejusmodi terræmotibus, & aquarum impetu universam Mundi faciem susdecque inverti, terrarum, marisque ordinem immutari posse Aristoteles ^(r), Strabo ^(s), Erathosthenes ^(s), alique complures ^(t) haud infeliciter existimaverint, eadem tamen Naturæ vis, ac majestas oculis nostris obversetur, atque animos impleat; *Interitus enim expers est Univerſum* ^(u), quod hac ratione mutari docemur, ut quedam illius partes in occultum jugiter abeant, nunquam tamen ipsum interire ^(x).

Pul-

(a) Tom. 2. lib. 1. c. 4. (b) lib. 3. prop. 24. vide & Greg. lib. 4. prop. 65. & Halleti dissert. in Aſis Phil. num. 226. &c. (c) par. 4. num. 49. (d) Dial. de System. (e) apud Covin. in Lex. Philos. (f) vide Plut. Plac. lib. 3. c. 17. & Gass. loc. cit. (g) vide Valliſſ. de Corp. marin. & Votvard. in Hiſt. nat. Tell. Strab. lib. 1. Plin. lib. 2. c. 85. Hiſt. Acad. 1720. &c. (h) Plin. lib. 2. c. 88. (i) ex Plat. in Timæo, & Critia (l) vide Gass. Tom. 2. lib. 3. c. 3. (m) Plin. lib. 2. c. 83. Senec. lib. 6. c. 25. & du-Ham. Hiſt. lib. 2. ſect. 11. c. 3. &c. (n) ex Strab. lib. 12. & Tacit. in Annal. lib. 2. (o) ex Plin. lib. 2. c. 85. (p) ex Strab. lib. 1. Plin. lib. 2. c. 87. &c. (q) vide Gass. Tom. 2. lib. 1. c. 6. (r) Meteor. lib. 1. c. ult. (s) lib. 1. (t) vide Blancan. de Fabr. Mundi lib. 4. c. 4. & Valliſſ. de Corp. Marin. &c. (u) Plut. adv. Colut. 1. (x) Merc. Triſm. in Pymon.

XLVII.

Pulcherrima certè rerum varietas, & constans generationum series miro quodam ordine perseverat: quidquid enim interire conspiciamus alteri substantiæ præbet originem, quidquid e Terræ visceribus effoditur, coalescentibus iterum succis, puriorique Telluris substantiâ, (neque enim aliunde metalla, ac lapides oriri verisimiliter arbitramur) iterum instauratur, atque eò facilius, quòd ejusmodi rerum semina Terræ visceribus abdita videri possunt.

XLVIII.

Plantæ similiter, quemadmodum ex propriis quæque feminibus innato Telluris calore dispositis oriuntur, ita terrenis humoribus nutritæ adolescunt: Hinc sponte quadam Naturæ, non verò ductu animæ reguntur (a), ipsarumque operationes solo fibrarum ordine, ac partium textura fieri, & cum Malpighio (b) explicari posse defendimus.

XII.

Admirabiles verò lapidum, ac Plantarum virtutes, quas partim Plinius (c), partim elegantissimus omnium Philosophorum, atque eruditissimus (d) Theophrastus (e) prosequitur, non aliam fortasse originem sortiuntur, quàm ex hujusmodi succorum, quibus coalescunt, diversitate: inutiliter enim vel Cælorum influxus, vel occulta quædam Planetarum virtus excogitatur. Cæterum cavendum maximè arbitramur, ne in rebus ejusmodi efferendis magnis nominibus præjudicium fiat Veritati; cum plura, quæ scriptis Veteres prodiderunt, accuratioribus experimentis labefactata, ac penitus eversa fuerint. Philosophandum est itaque de rerum naturâ non pronunciata asserendo, & quasi ex legis præscripto agendo, verum quatenus exigunt res apparentes ratiocinando (f); Temerarium est enim aut falsum sentire, aut quod non satis exploratè perceptum sit, & cognitum sine ulla dubitatione defendere (g).

L.

Nos certè hæc singula ita nobis probari, atque exponi par esse credidimus, non certa ut sint, atque animis nostris ita hærare videantur, ut principem locum meliori sententiæ, ubi primùm affulserit, non reliquerint, verum quòd, licet a ferendo judicio continentissimi simus, specie tamen quadam verisimilitudinis tangimur, adeo ut verbis communibus utentes illius assertores aliquando videamur. Enim verò nulla est unquam verisimilitudo tam potens, quæ nos sic faciat indubios, ut non simus paratissimi ad amplectendum præclariorem: & tantum abest, ut indignemur, si quis nos minus probabilem amplexos sententiam demonstraret, quin ipsum potius ut præce-

[a] Stoici ap. Plur. Plac. lib. 5. c. 26. [b] in Anat. Plant. [c] a lib. 12. usque ad 17. [d] Cic. Tuscul. 5. [e] in lib. de Plant. [f] Epic. in epist. ad Pythocli. [g] Cic. 1. de Nat.

(a) *Gassen. in epist. ad Horten. Delfen.* (b) *Plin. lib. 2. c. 53.* (c) *Cic. Tuscul. lib. 2.* (d) *Cic. Acad. 4.*

Dato omnibus arguendi loco.